

xit; ut de Principatus restitutione continuo cogitare cœperit: ad quod ipsum Urseolus tantum sibi moræ depoposcit, quoad Rempublicam in meliorem statum rede-gisset. Jussum itaque intra annum Gallum redire, a se dimisit: interim ad pientissima quæque opera conver-sus, pauperes amplexus, miro studio eorum inopiam sub-levabat. Condidit ad hæc pium diversorium, quod hodie e regione fori visitur. Collegia præterea, clerum, religio-nem omnem incredibili charitate protegere ac fovere: Vi-talem absentem, & homines ejus factionis quotidie res novas molientes, quorum nefaria consilia divinitus ajunt rescire solitum, mira patientia sustinere. Demum anno per hæc opera circumacto, noctu (nam Guarinus præsto illi ad constitutum tempus affuit) ignoto habitu urbe egres-sus, conjuge, nato, necessariisque ejus profectionis igna-ris, peregre profectus est. Eum magistratu patriaque ex-cedentem Joannes Gradonicus, & Joannes Maurocenus, cum Romoaldo & Marino Ravennatibus, ejus consilii con-fisciis, secuti sunt. Is procedente tempore ita religione & sanctitate profecit, ut post mortem in Aquitania, ubi re-liquum vitæ egit, multis (ut quidam tradunt) sit mira-culis illustratus. Altero itaque ab ejus creatione anno, tanto Principe privata civitas magno quidem mœrore af-fecta est, majore tamen desiderio.

Verum enim vero sic quoque publici regiminis haud-quaquam oblita, pro magno negotio habuit, primo quo-que tempore in desiderati Principis locum alium creare. Vitalis Candianus Petri Candiani tertii filius, consensu omnium Dux declaratur. Eo annitente, Vitalis Patriarcha Gradenfis, qui metu populi ad eam diem exul fuerat, in patriam revocatus est. Nec multo post Principis suafu cum publicis legatis ad Othonem in Germaniam profici-scitur, qui Venetum nomen, ob atrocem Petri Candiani cædem, miro ad eam diem odio persequabatur. Ea le-gatio haud irrita fuit, placato Othonis animo: ad quod impetrandum multum profuit Vitalis præsentia, qui cæsi Ducis filius fuerat. Etenim illius salutis in primis consul-tum

977

978

*Petrus Ur-seolus Reli-gionis causa clam ex Ur-be proficisci-tur.*

*Vitalis Can-dianus Pe-tri Candia-ni III. filius Dux crea-tur.*